

Hartmannum autem SCHEDELIUM, qui G. G. LEIBNITIO (y) teste Hugonem fuisse Gallum perhibet non moramur, cum recentior sit, non satis hac in re fide dignus.

Prima studiorum & pietatis rudimenta posuit in coenobio Hamerslebiensi S. Pancratii dioecesis Halberstadiensis. (a) Hugonem in monasterio Hamersleven religionis habitum & prima elementa regularis vitæ suscepisse testatur BORCHARDUS episcopus Halberstadiensis. (b) Inde ex hoc monasterio Hugo ortum duxisse dicitur a FRIDERICO archiepiscopo Magdeburgensi. (c) Ibidem, ut quidam volunt, vota nuncupavit, teste Iohanne LINDENBORNIO, (d) cui tamen contradicere videtur Autor vitæ Hugonis, (e) qui in cœnobio S. Victoris prima vota nuncupasse Hugonem narrat. A parentibus vero suis in scholam Hamerslebiensem missus fuit, & ibi etiam invitis parentibus mansit, donec propter bellum, quod totam pene Saxoniam sub Henrico IV. vastaverat, abire cogeretur. (f) Hamerslebia studiorum causa missus est Parisios. (g) Inde dictum puto, quod a puero exulaverit Hugo, in codice Aquicinctensi. (h) Episcopus Halberstadiensis autem Reinhardus misit eum Parisios in monasterium S. Victoris, in quo propter eruditorum virorum, qui in eo vivebant, copiam mansit. (i)

Paulo aliter hæc enarrat Autor vitæ Hugonis (k) his verbis: Ubi decimum octavum ætatis annum attigit, seculi fugam meditari cœpit, id communicat patruo Hugoni (IOHANNES a S. Victore, observante LEIBNITIO,

-
- (y) in præfatione ad Alberici Chronicon pl. 1. f. 3. p. 2.
 (a) v. Ipte HUGO in epistola ad fratres in Hamersleve libro de artha animæ præfixa apud G. G. LEIBNITIO præfat. ad Alberici Chronicon pl. 1. f. 3. p. 2.
 (b) In epistola ms. data in Groningen scriptaque anno 1456. ad capitulum generale ordinis canonicorum regularium in Windesem congregatum apud G. G. LEIBNITIO l. c. f. 4. p. 2.
 (c) In epistola ms. scripta anno eodem ad idem capitulum l. c. & pl. 2. f. 1. p. 1.
 (d) In Historia episcopatus Daventriensis pag. 350. n. 60. apud Henr. MEIBOMIUM de Hugonis patria T. III. Rer German. p. 430.
 (e) apud G. G. LEIBNITIO l. c. f. 4. p. 1. 2.
 (f) v. Iohannes WINNIGSTADIUS in Annalibus Halberstadiensibus Mss. apud Henr. MEIBOMIUM de Hugonis patria T. III. Rer. German. p. 431.
 (g) v. Paulus LANGIUS in Chronico Citicensi ad ann. 1123, apud MEIBOMIUM l. c. p. 430.
 (h) apud Ioh. MABILLONIUM Analector. T. I. p. 326.
 (i) v. Ioh. WINNIGSTADIUS l. c.
 (k) apud G. G. LEIBNITIO in præfatione ad Alberici Chronicon pl. 1. f. 4. p. 1. 2.